

ԵՐԶԱՍԻԿ ՆԱԿԱՐԿՈՒԹՅՈՒՆ

Զորի ԲԱԼԱՅԱՆ

Չեմ սիրում գուշակներին ու մարգարեներին: Հարգում եմ գիտական կանխագուշակումը, որը խարսխվում է ինտուիցիայի և հաշվարկի վրա: Բայց ամենից շատ խոնարհվում եմ կանխագուշակման համաժողովրդական օժտվածության առջև, որը վեր է հառնում սերունդների միասնական փորձից, հավատից ու հույսից, ոգուց ու պայքարից: Եվ տարիներ շարունակ Ղարաբաղում, հաղորդակցվելով կանխագուշակման եզակի ձիրքով օժտված ժողովրդի հետ, ես դարձա... հավատացյալ: Ես հավատում էի ղարաբաղյան շարժման ծննդին, որը, ուրիշ խոսքով, կարելի է անվանել ստրկությունը ատող ժողովրդի սոցիալական ընդլվզում: Հավատալով ղարաբաղյան շարժման գործունեությանը, ես արդեն չէի կասկածում, որ աշխարհը, վերջիվերջո, կլսի «Արցախ» հնչելը ու հպարտ բառը, որ ազատության պես քաղցր այդ բառով կոչվող տասնյակ ու տասնյակ ընկերություններ ու կազմակերպություններ կծնվեն: Բյուրավոր վտակներից սնվող, հզոր գետի հորձանք հիշեցնող շարժման բուն պրոցեսում մենք արդեն գիտենք, որ իրականություն կդառնա Արցախի հայոց հողում ծնված հայ գրողների վաղեմի երազանքը: Երազանքը՝ գրական-գեղարվեստական, հրապարակախոսական մի հրատարակություն ստեղծելու մասին, որը ափսի կրեր հոգի մղկտացնող այն անունը, որն արդեն դարձել է Ղարաբաղի վերածննդի խորհրդանիշ, իրականացել է: Եվ հիմա դու, իմ թանկագին հայրենակից, ժամանակակից, ձեռքիդ բռնած ունես հայ գրողների առարկայացած, շոշափելի երջանկությունը՝ «Արցախ» հանդեսի առաջին համարը: Այս փաստն ինքնին ղարաբաղյան շարժման առարկայական ու շոշափելի հաղթանակն է:

Ես ուզում եմ հավատալ, որ «Արցախը» ամեն բան կանի, որպեսզի էլ ավելի բարձր պահվի ղարաբաղյան շարժման մաքուր դրոշը, շարժում, որի ընդերքում տաղանդներ են ծնվում: Եվ մենք «Արցախի» էջերում կրտենենք նոր անուններ, ովքեր կբացեն դեպի տաճար տանող ճանապարհներ: Դեպի Գանձասարն ու Ամա-

րասը, Դադիվանքն ու Ղազանչեցոցը, դեպի նորածնի ճիչն ու մոր դեմքի ժպիտը: «Արցախն» ամենից առաջ պետք է գովերգի Արցախը՝ հայ պատմության ու շրջակայքի հազարավոր անկրկնելի հուշարձանների հայրենիքը, հայ ժողովրդի վեհ ավանդույթների և վեհ ոգու հայրենիքը:

Փառք աստծո, նորածին «Արցախը» վերակառուցման ձեռքից անմիջապես մի այնպիսի գորեղ գեներ է ստանում, ինչպիսին է հրապարակայնությունը: Այսօր, ինչպես ուրիշ ժամանակ՝ երբեք, մենք պետք է արհամարհելով վախկոտությունը, փրկենք մարդկանց՝ հակառակ նշանց իսկ ցանկության: Պատմությունը բոլորին է ամեն ինչ իր տեղը կդնի: Գովերգելով անցյալն ու ներկան, անհամապատասխան հայտնելով գաղիքի համար, ղարաբաղցին երբեք չի մոռանում, որ մարդ պետք է ուղքով արմատված լինի հայրենի հողի, Արցախի հողի մեջ, իսկ հայացքը նրա թող ընդգրկի համայն աշխարհը: Համդեսը, անտարակույս, հավատարիմ կլինի Լեւոնի կարևորագույն գաղափարներին, խոսքերին, որոնցից մեկն ուղղակի ուզում եմ մեջբերել բառացիորեն. «...Ավելի լավ է անհաջողությամբ ասել ճշմարտությունը, քան լռության մատնել այն, եթե գործը լուրջ է»: Իսկ Ղարաբաղի գործը, ղարաբաղյան գործը այսօր շատ լուրջ է: Մեր պապերը լավ գիտեին, որ ճշմարտությունը տկողնու բարակ, կանաչ մատղաշ շիվի պես կարող է ճկվել, բայց այն երբեք չի կտրվի և լողալով դուրս կգա կեղծիքի երեսը, ինչպես յուրը՝ ջրի երեսը... Չէ՛ որ մենք շարունակում ենք հիշել իմաստունի այն խոսքերը, որոնք հիանալիորեն բացատրում են ղարաբաղյան շարժման էությունն ու իմաստը. «Եթե դուք ճշմարտությունը թաքցնեք և հողի տակ թաղեք այն, նա անպայման ծիլ կտա և մի այնպիսի ուժ կստանա, որ մի անգամ էլ, երբ հողը պատռի դուրս գա, ապա իր ճանապարհին կոչնչացնի ամեն ինչ»:

«Արցախը» լույս է տեսնում, թերևս, ողբերգական և, ինչպես ընդունված է ասել, մեր ժողովրդի համար

բախտորոշ ժամանակներում: Ժամանակը մեր ես կան-
վանեի մի անհրաժեշտություն, որը սրում է ողջախո-
հությունը: Եվ նորածին հրատարակությանը, նրա հե-
ղինակային կոլեկտիվին, առանձնապես երիտասարդ
շառավղին, այսօր անհրաժեշտ է սովորել ոչ թե գրել,
այլ՝ տեսնել, կանխատեսել, մաքառել ծնունդ առնող
չարի դեմ, բուն չարի կոնցեպցիայի դեմ: Իսկ գրելը
ընդամենը հետևանք է: Եվ եթե մենք այսպես համա-
ռորեն ու համառորեն հարցում ենք անում ու քննում
անցածը, անցյալը, ապա միայն նրա համար, որ այն
պարզաբանի մեզ մեր ներկան, որպեսզի կանխի դժ-
բախտությունն ապագայում:

Հասակ առնելով անուշաբույր թթենիների և հոյա-
կերտ բրիստոնեական տաճարների մեջ, արցախցիկե-
րը ծագումնաբանորեն երբեք կրոնական ֆանատիկոս-
ներ չեն եղել: Սակայն, ի մեծ դժբախտություն, դահիճ
Ստալինի կողմից հայտարարված բռնի «մաքուր» ա-
թեիզմը հանգեցրել է ամբողջ երկրի և ամբողջ Ղա-
րաբաղի տասնյակ հազարավոր տաճարների կործան-
ման: Դահճի կողմից դա հանգեցվում է նրան, որ չի կա-
րելի դառնալ «մաքուր» աթեիստ: Քանզի, հերքելով
աստծուն, միաժամանակ հերքում ենք և՛ սատանան,

և չարիքը: Իսկ սա էլ հենց այն է, ինչը պետք է Սա-
տանային, Չարին, Ստալինին: Պետք էր, որ մենք մր-
տաժեինք, թե չկա սատանա, չկա չարիք, չկա Ստա-
լին-դահիճ: Այստեղից էլ՝ զանգվածային հիպնոզը:
Այստեղից էլ՝ անպատժելիությունը: Անպատժելիորեն
չարիք գործելու հնարավորությունը: Այնպես որ, մենք
ոչ միայն հայրերի ու պապերի նկատմամբ ակնածան-
քից ու հարգանքից ելնելով պետք է վերականգնենք
ստալինների և բաղիրոսների կողմից ավերված տա-
ճարները, այլև այդ բանը պետք է կատարենք՝ ելնելով
մեր հողի վրա չարի կոնցեպցիայի դեմ պայքարի ըզ-
զացումից: Ու կամենում են հավատալ, որ «Արցախը»
կստանձնի Արցախի հուշարձանների վերականգնման
շեփությունը:

Հանդեսը ես պատկերացնում եմ գետի ջրերում լո-
ղացող նավակի տեսքով, որը կրում է «Ղարաբաղյան
շարժում» անունը: Այն գետի ջրերում, որը հոսում է
դեպի հայոց ինքնատիպ մշակույթի ծովը: Առջևում
մրրկահողմեր և փոթորիկներ են: Բայց առջևում է մեծ
նպատակը, որը միայն մեկն աստծո՝ Արդարությանը
հավատացող արցախցու համար մարդկային արժանա-
պատվության միջուկն է հանդիսանում: ■